



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիոյան



« 12 » 04 2024թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 045 - 24

Ձեռնարկողը՝

«ԲԱՐԻ ՄԱՄԱ» բարեգործական ՀԿ
Ք. Երևան, Գ Նժդեհ 46

Գործունեությունը՝ **Ճամբարակ համայնքի Շողակաթ բնակավայրում հանգստյան գոտու, ճամբարի, ճաշարանի, տաղավարի, խաղահրապարակի և պահեստի կառուցման նախնական գնահատման հայտ**
Գեղարքունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի տնօրեն՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 045 - 24

« 12 » 04 2024թ.


Գեղարքունիքի մարզի Ճամբարակ համայնքի Շողակաթ բնակավայրում հանգստյան գոտու, ճամբարի, ճաշարանի, տաղավարի, խաղահրապարակի և պահեստի կառուցման նախնական գնահատման հայտ

Ձեռնարկող՝	«ԲԱՐԻ ՄԱՄԱ» բարեգործական ՀԿ
Փաստաթղթի տեսակը՝	Շրջակա միջավայրի վրա ազդեցության նախնական գնահատման հայտ
Գործունեությունը՝	«Բ» կատեգորիա
Տեղադրման վայրը՝	Գեղարքունիքի մարզ, Ճամբարակ համայնք, Շողակաթ բնակավայր, 15-րդ փողոց, 1/3 հասցե

Ներածական մաս. «ԲԱՐԻ ՄԱՄԱ» բարեգործական հասարակական կազմակերպությունը նախատեսում է Գեղարքունիքի մարզի Ճամբարակ համայնքի Շողակաթ բնակավայրի 15-րդ փողոց 1/3 հասցեում կառուցել հանգստյան գոտի, ճամբար, ճաշարան, տաղավար, խաղահրապարակ, պահեստ՝ համապատասխան ենթակառուցվածքներով և պայմաններով՝ երեխաների ամառային հանգիստը կազմակերպելու նպատակով:

Նախնական գնահատման հայտի կազմման համար հիմք են հանդիսացել՝ նախատեսվող գործունեության անշարժ գույքի նկատմամբ իրավունքի պետական գրանցման վկայականը՝ №02032020-05-0046, /ծածկագիրը՝ 05-074-1086-0122/, Ճամբարակի համայնքապետարանի կողմից 17.04.2023թ. տրված №13-Ճ նախագծման թույլտվությունը /ճարտարապետահատակագծային առաջադրանք/: Հողամասի նպատակային նշանակությունը՝ հատուկ պահպանվող տարածքների, գործառնական նշանակությունը կամ հողատեսքը՝ հանգստի համար նախատեսված, գրանցված իրավունքի տեսակը՝ հողամասի կառուցապատման իրավունք:

Նկարագրական մաս. Նախատեսվող գործունեությունն իրականացվելու է Գեղարքունիքի մարզի Ճամբարակ համայնքի Շողակաթ բնակավայրի 15-րդ փողոց 1/3 հասցեում: Համաձայն «Սևան» ազգային պարկ» ՊՈԱԿ-ի կողմից տրված գրության՝ կառուցապատումը կատարվելու է Արտանիշի մ/ճ Դրախտիկ տեղամասի 8-րդ քառակուսու 2-րդ անտառամասի ռեկրացիոն գոտում, Սևանա լճի ափամերձ հատվածում՝ հանգստի համար նախատեսված գոտում: Տարածքը գտնվում է ծովի մակարդակից 1905.0 մ բարձրության վրա: Տարածքի ճարտարապետական լուծումները՝ դիրքը և վայրը, հնարավորություն կստեղծվի երեխաների հանգիստը կազմակերպել Սևանա լճի ափին: Տարածքի ռեկրացիոն հիմնականում



հարթ է, ունի մասնակի թեքություն, իսկ հողային տեսքը ավազային է և բացակայում է խոտածածկը: Կից գտնվում են միջպետական ճանապարհը և հանգստյան գոտիներ: Ըստ նախագծային լուծումների կառուցապատման ցուցանիշներն են.

1. Հողամասի մակերես - 10000 մ²
2. Շինությունների ընդհանուր կառուցապատման մակերես - 551.02 մ²
4. Կանաչապատման մակերես - 7504.98 մ²
5. Ավազապատ խաղահրապարակ - 64 մ²
6. Սալիկապատ անցուղիների մակերես - 80 մ²
7. Լողափ - 1800 մ²

Համաձայն Ճամբարակի համայնքապետարանի կողմից տրված ճարտարապետահատակագծային առաջադրանքի՝ տարածքի կառուցապատումը կատարվելու է 1905.0 մ նիշից բարձր հատվածում: Մասնաշենքերի տեղադրման ժամանակ հողային աշխատանքներ չեն կատարվելու, քանի որ հիմնական շինություններ չեն նախատեսվում: Շինությունները սյուներով (երկաթյա ցից) խրվելու են հողային գրունտի մեջ: Հողային աշխատանքները կատարվելու են միայն մաքրման կայանի տեղադրման և ջրահեռացման ստորգետնյա խողովակների անցկացման ժամանակ, որը ենթադրում է 265 մ երկարությամբ կոյուղագծի կառուցում՝ ճամբարից, ճաշարանից դեպի մաքրման կայան, որի արդյունքում կկատարվի մոտ 46,375 մ³ ծավալի հողային աշխատանք: Հանվող հողային զանգվածը ամբողջությամբ օգտագործվելու է տարածքի հարթեցման և հետլիցքի նպատակով: Տարածքի հողաշերտը կազմված է՝ վերին շերտը խճից, խճավազից, մանրաբեկորներից: Հողային զանգվածն ամբողջությամբ կուտակվելու է տարածքում՝ հատուկ առանձնացված տարածքում և ամբողջությամբ օգտագործվելու է հետլիցքի և հարթեցման համար: Բոլոր շինությունները կառուցվելու են մետաղական կոնստրուկցիաներով, ջերմամեկուսիչ շերտով ծածկված պրոֆիլավոր գունավոր թիթեղով: Շինություններում տեղադրվելու են նաև լուսավորության, օդափոխության, հրդեհաշիջման համակարգեր: Օդափոխությունը կազմակերպվելու է սանհանգույցներում, խոհանուցում և ճաշարանում: Արտաքին լուսավորությունը կազմակերպվելու է մետաղական հենասյուներով՝ էլեկտրամատակարարմամբ: Շենքերի տաք ջրի մատակարարումը նախատեսվում է ջեռուցման անհատական կաթսաներից՝ էլեկտրասարքերի օգնությամբ: Տաք ջրամատակարարման ներքին ցանցը կատարվելու է պոլիպրոպիլենային խողովակներով: Շինարարության ընթացքում էլեկտրամատակարարումը կատարվելու է՝ համաձայն «ՀԷՑ» ՓԲԸ-ի կողմից տրամադրված տեխնիկական պայմանի՝ միանալով «Շորժա» ՔԵԿ-ից սնվող «Ծիծեռնակ» 10կվ ՕԳ-ի մոտակա հենասյունից՝ ճյուղավորումով: Նախատեսվում է տեղադրել 10 ԿՎԱ հզորության 10/0,22 կՎ տրանսֆորմատորային ենթակայան՝ համաձայն նախագծի: Տրանսֆորմատորային ենթակայանի տարածքը ցանկապատվելու է, տեղադրվելու են լարման, վտանգավորության մասին նախազգուշացնող ցուցանակներ:

Շինարարության փուլում աշխատողներն օգտվելու են տարածքում տեղադրվող 90*90 մմ չափերի 1 բիոզուգարանից: Աշխատանքների ավարտից հետո այն ապամոնտաժվելու է: Բիոզուգարանի մաքրումը կատարվելու է համապատասխան մասնագիտացված կառույցների կողմից՝ պայմանագրային հիմքունքներով: Շինհրապարակի տարածքում կատարվելու է մեքենաների անիվների լվացում՝ լվացման սարքի միջոցով: Անիվների լվացում պահանջող



-տարածքը կառուցապատվելու է ՀՀ կառավարության 2008թ. դեկտեմբերի 18-ի N 1563-Ն որոշման Սևանա լճի կենտրոնական գոտում կառուցապատման համար նախատեսված տարածքների գոտևորման նախագծի պահանջներին համապատասխան,

-ապահովվելու են հակահրդեհային միջոցառումները,

-թափոնների տեղափոխումը կազմակերպվելու է համապատասխան պայմանագրերի հիման վրա,

-շինտեխնիկայի և մեքենաների համապատասխան տեխնիկական վիճակի ապահովում,

-շինարարական տեխնիկայի և տրանսպորտային միջոցների վառելիքի լիցքավորումը և յուղումը կատարվելու է շինհրապարակից դուրս՝ մասնագիտացված լցակայաններում կամ սպասարկման կետերում,

-շինարարության իրականացման ժամանակացույցի պահպանում:

Բնապահպանական միջոցառումների և մոնիթորինգի իրականացման համար նախատեսվել են ծախսեր, որոնք խոշորացված գնահատվել են տարեկան մոտ 1,500,0 հազար ՀՀ դրամ:

Պատճառաբանական մաս. Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Ճամբարակի և Շողակաթի համայնքապետարանի վարչական շենքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Հայտի վերաբերյալ փորձաքննական գործընթացում ստացվել են կարծիքներ՝ առողջապահության, ներքին գործերի, կրթության, գիտության, մշակույթի և սպորտի նախարարություններից, քաղաքաշինության կոմիտեից, կադաստրի կոմիտեից, Գեղարքունիքի մարզպետի աշխատակազմից, ինչպես նաև շրջակա միջավայրի նախարարության ստորաբաժանումներից: Ստացված դիտողությունները և առաջարկությունները հաշվի են առնվել Հայտի լրամշակումներում:

Ամփոփելով Հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ: Իսկ Սևանա լճի վրա բոլոր տեսակի բացասական ազդեցությունները կբացառվեն, թե շինարարության, թե շահագործման փուլում:

Փորձաքննական պահանջներ

-Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսվել լրացուցիչ միջոցառումներ՝ ուղղված բնապահպանական, հրդեհանվտանգության և սանիտարական նորմերի պահպանմանը:



- Շինարարական աշխատանքների ընթացքում բացառել հնարավոր շինադրի կուտակումները «Սևան» ազգային պարկ» ՊՈԱԿ-ի տարածքում:
- Գործունեության իրականացման ընթացքում հնարավորինս չխաթարել տարածքի էկոհամակարգը, լանդշաֆտը և հարակից շրջակա միջավայրը, լճափի մաքրման աշխատանքները համաձայնեցնել «Սևան» ազգային պարկ» ՊՈԱԿ-ի հետ:
- Գործունեության իրականացման ընթացքում առաջնորդվել «Սևանա լճի մասին» օրենքի 10-րդ հոդվածի և ՀՀ կառավարության 2002թ. հունվարի 24-ի N57 որոշման պահանջներով՝ բացառել Սևանա լճի աղտոտումը, վտանգավոր նյութերի, կեղտաջրերի ներթափանցումը, ջրային ռեսուրսի որակական հատկությունների փոփոխումը:
- Ապահովել հայտով նախատեսված Եվրոլուս-60 տիպի մաքրման կայանի կամ այլ համարժեք չափանիշներով մաքրման կայանի տեղադրումը:
- Գործունեության և հարակից տարածքներում ապահովել հայտում ամրագրված կենսաբազմազանության մոնիթորինգը, իսկ ՀՀ Կարմիր գրքում գրանցված բուսատեսակների կամ կենդանիների բնադրավայրերի հայտնաբերման դեպքում՝ անհապաղ տեղեկացնել «Սևան» ազգային պարկ» ՊՈԱԿ-ին:
- Նախագծի վերջնական տարբերակում և շինարարական աշխատանքների ընթացքում հաշվի առնել «ՀԷՑ» ՓԲԸ-ի կողմից տրված տեխնիկական պայմանի պահանջները:
- Անհրաժեշտ է ապահովել հայտում ամրագրված կանաչապատման աշխատանքների իրականացումը և խնամքը՝ համաձայնեցված «Սևան» ազգային պարկ» ՊՈԱԿ-ի հետ:

ԵԶՐԱՓԱԿԻՉ ՄԱՍ

«ԲԱՐԻ ՄԱՄԱ» բարեգործական ՀԿ-ի կողմից ներկայացված՝ Գեղարքունիքի մարզի Ճամբարակ համայնքի Շողակաթ բնակավայրում ճամբարի, ճաշարանի, դասարանի, տաղավարի, խաղահրապարակի և պահեստի կառուցման նախնական գնահատման հայտի վերաբերյալ տրվում է դրական եզրակացություն՝ փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝



 Աննա Սարգսյան